

secundi antennarum, orificiis metastethii pedibusque testaceis; antennis articulo secundo primo duplo longiore, tertio secundo fere dimidio longiore; pronoto et scutello dense sat fortiter impresso-punctatis. — Long. 1 3/4 mill. — Colonia Tovar.

Divisio PERISSOBASARIA mihi.

Capite subporrecto, fronte subhorizontali, vertice linea longitudinali impressa, loris haud discretis; rostro gracili; pronoto strictura apicali annuliformi distinctissima, lateribus obtusis; hemielytris cuneo discreto, corio venis brachiali et cubitali (sat ægre) distinguendis; membrana biareolata; alis areola hamo destituta; pedibus gracilibus, tarsis brevibus, crassiusculis, inferne dense pilosis, articulo primo longo, secundo brevissimo, in medio plagæ superioris primi immerso, inferne primo saltem triplo brevior, tertio primo parum brevior, versus apicem distincte incrassato; unguiculis fere a medio subito angulato-curvatis, aroliis angustis cum iis connexis fere medium unguiculorum attingentibus.

Divisioni Bryocoraria Reut. proxima, differt aroliis angustis cum unguiculis totis connexis, corio vena cubitali usque in apicem distinguenda, haud impressa, membrana areolis duabus instructa. A divisione Capsaria Reut. aroliis cum unguiculis connexis, a divisione Dicypharia Reut. loris capitis haud discretis et tarsis articulo secundo primo et tertio multo brevior, ab ambobus articulo tarsorum brevium ultimo versus apicem distincte incrassato-ampliato distinguenda.

Perissobasis, nov. gen.

Corpus oblongum, superne pilosum; capite fere porrecto, levissime nutante, ab antico viso latitudine vix longiore, vertice fortiter carinato-marginato, fronte subhorizontali, basi linea mediæ longitudinali impressa, apice subito perpendiculari; capite a latere viso altitudine paulo longiore, clypeo perpendiculari, basi in linea inter scrobes antennarum ducta posita, angulo faciali recto, loris haud discretis, genis humilibus, bucculis sat elevatis, gula dimidium capitis occupante, horizontali, leviter convexa; oculis haud prominentibus, in genas longe extensis, orbita interiore infra medium fortiter sinuatis; rostro gracili, apicem mesosterni attingente, articulo primo basin capitis attingente; antennis pilosis, in sinu oculorum inferne insertis, articulo primo maximo, pronoto annulo collari excepto æque longo, valde dilatato-explanato, reliquis gracilibus,